

## Jå der Esel håt vier Füaß

### Vor- und Zwischenspiel

C F C

C F C F F

### Gesang

1. Jå der E - sel håt vier Füaß, der E - sel is dumm, und

E - seln mit zwoa Füaß ren - nen a gnuä her - um.

2.

Jå Wurzeln und Kräuter,  
Schuaster und Schneider,  
die Musikanten dazua,  
då gibts Saufuater gnuä.

3.

Jå die Gamslerl am Berg,  
de san saggerisch stolz,  
as Diandl is a weng låppat,  
mant ålleweil i wollts.

4.

A Schoar Hea ohne Håhn,  
jå a Wei` ohne Mann  
und a Sengst ohne Schneid,  
då gehts himmiweit gfeit!

5.

Denan ratschatn Leitn,  
denan schick i an Gruaß,  
sie solln si` zuerst wåschn,  
san selber voll Ruaß!

6.

Musikanten san krånk,  
jå wia kånn man ,s denn kriagn?  
Mit Geld muaß ma`s wåschn  
und mit Wein muaß ma`s schmiern.

7.

Båld tramt ma vo die Oxn,  
båld tramt ma vo die Kåh,  
båld tramt ma vo de Spålleit,  
nix gscheits tramt ma nia.